

# 太宰管内志

筑前之二十五

御笠郡之五 太宰府上

和書門			
二九六〇一	二〇二	八二	八二
號	函	架	冊

内閣文庫			
二九六〇一	八二	五	七
號	冊	冊	冊
和書			

内閣文庫			
番號	和	29601	
冊數	82 ( 53 )		
函號	176	44	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





Blank page with a faint rectangular border and extremely faint, illegible text impressions.

Blank page with a faint rectangular border and extremely faint, illegible text impressions.



太宰管内志

明治十七年獻本

筑前之二十五

御笠郡五

筑前人伊藤常足編録

太宰府上

推古天皇紀。十七年四月丁酉朔庚子。筑紫太宰奏上言。百

濟僧道欣惠。於為首一十人。俗人七十五人。泊于肥後國葦北

津。とあり。太宰ハ。於保美許等七知と訓べし。書記の假字也。

御言持意。りて。上言を取て達をり。の意あり。文字ハ周官の

孝德天皇紀。五年正月云云。即拜日向臣於筑紫太宰帥。世

人謂之曰。是隱流乎。帥ハ音ソツ。ソツ。加美とよむべし。音事

領兵帥師。則入声。故經典釈文。將帥。天智天皇紀。六年十一



月乙丑百濟鎮將劉仁願遣熊津都督府熊山縣令上柱國司

馬法聰等送大山下境部連石積等筑紫都督府云云唐書武德七年

年改總官曰都督總十州者為大都督貞觀二年去大月云云以粟前王拜筑紫率八年正月戊子以蘓我赤凡臣拜

筑紫率十年六月是月以粟隈王為筑紫帥十一月癸卯對馬

國遣使於筑紫太宰府此時始有太宰府字見之天武天皇紀元年六

月大友皇子謂群臣曰云云且遣佐伯連男於筑紫遣樟使主

磐手於吉備國並悉令與兵仍謂男與磐手曰其筑紫太宰粟

隈王與吉備國守當麻摩公廣島二人元有隸大皇弟疑有反

欲若不服色即殺之云云男至筑紫時粟隈王義符對曰筑

紫國者元戎邊賊之難也其峻城深湟臨海守者豈為內賊耶

今畏命而祭軍則國空矣若不意之外有倉卒之事頓社稷傾

之然後雖百殺臣何益焉豈敢背德耶輒不動兵者其是緣也

時粟隈王之二子于野王武家王佩劍立于側而無退於是男

按劍欲進還恐見亡故不能成事而空還之云云五年九月丁

丑筑紫太宰三位屋垣王有罪流于土佐六年十一月己未朔

筑紫太宰獻赤烏則太宰府諸司人賜祿各有差且專捕赤烏

者賜爵五級乃當郡司等加增爵位因給復郡內百姓以一年

之是日大赦天下十一年三月癸未筑紫太宰丹比真人島等

貢大鐘八月甲戌筑紫太宰言有三足雀十二年正月庚寅筑

紫

紫

紫



紫太宰丹比真人島等貢三足雀。十四年十一月。筑紫太宰請  
儲用物絕一百疋。絲一百斤。布三百端。庸布四百常。鐵一万斤。  
箭竹二十連。送下於筑紫。持統天皇紀。元年三月。筑紫太宰獻  
三國高麗百濟新羅百姓男女并僧尼六十二人。持統天皇紀  
二年八月甲申。筑紫太宰便告天皇崩於霜林等。二年二月  
辛卯。太宰獻新羅調賦金銀絹布皮銅鐵之類十餘物。并別所  
獻佛像種種。彩絹鳥馬之類十餘種。及霜林所獻金銀彩色種  
々珍異之物并八十餘物。三年正月壬戌。筑紫太宰粟田真人  
朝臣等獻隼人一百七十四人。并布五十常。牛皮六枚。鹿皮五  
十枚。六月壬午朔。賜衣裳。筑紫太宰等。辛丑。詔太宰粟田真人

朝臣等賜學問僧明聰觀智等為送新羅師友。縣各一百四十  
斤。八月丁丑。以淨廣肆河內王。為筑紫太宰帥。授兵仗及賜物。  
以直廣壹授直廣貳丹比真人島。增封一百戶。通前云云。四年  
六月辛巳。太宰國司皆還任焉。十月戊午。遣使者詔筑紫太宰  
河內王等曰。饗新羅送使大奈未金高訓等。准上送學生土師  
宿祢甥等送使之例。其慰勞賜物。一依詔書。五年正月丙戌。詔  
曰。直廣肆筑紫史益拜筑紫太宰府典。以來於今二十九年矣。  
以清白忠誠。不敢怠惰。是故賜食封五十戶。絕十五匹。縣二十  
五屯。布五十端。稻五十束。六年五月乙酉。詔筑紫太宰率河內  
王等曰。宜遣沙門於大隅。与阿多可傳佛教。復上送大唐大使



郭務悰為御近江大津宮天皇所造阿彌陀像八年四月戊午

以淨大肆贈筑紫大宰率河內王<sub>萬葉集三卷曰河</sub>內王<sub>王莽豐前國鏡</sub>

<sub>山之手持女王作歌三首王之親魂相哉豐國乃鏡山于宮登</sub>

<sub>定流豐國乃鏡山之石戶立隱爾計良思雖待下來座石戶破</sub>

<sub>手刀毛欲得手弱才女</sub>九月癸卯以淨廣肆三野王拜筑紫太

宰率延喜雜式九太宰府應奏神事者帥獨署若帥有故少

貳以上一人署奏<sub>令義解職員令</sub>太宰府<sub>帶筑前國</sub>主神一人掌

諸祭祀事帥一人掌祠社戶口簿帳字養百姓勸課農桑糾察

所部貢奉孝義田宅良賤訴訟租調倉廩徭役郵馭傳馬烽候

城牧過所公私馬牛園遺雜物及寺僧尼名籍蕃客歸化<sub>謂遠方之</sub>

<sub>人欽化</sub>

饗燕事大貳一人掌同帥少貳二人掌同大貳大監二

人掌紀判府內審署文案勾稽失察非違<sub>謂巡察所部非違其</sub>

<sub>同此</sub>少監二人掌同大監大典二人掌受事上抄勘署文案檢

出稽失讀申公文少典二人掌同大典大判事一人掌案覆犯

狀<sub>謂案覆管回</sub>所申犯狀也<sub>所申犯狀也</sub>斷定刑名判諸爭訟少判事一人掌同大判事

大令史一人掌抄寫判文少令史一人掌同大令史大工一人

掌城隍舟楫戎器諸管作事少工二人掌同大工博士人掌教

授經業<sub>師不稱教者文略也</sub>課試學生陰陽師一人掌占筮

相地醫師二人掌診候療病箏師一人掌勘計物數防人正一

人掌防人掌防人名帳戎具教閱及食料田事祐一人掌同正

令史一人主船一人掌修理舟楫<sub>謂大工職掌云舟楫此即所</sub>

<sub>新造者故此司唯掌修理也</sub>



主厨掌醢醢

謂醢者醋也者凡醬所和切也。即令調和醬醋蒜薑之類是也。

也。道醬豉鮭。謂雜乾魚。

也。等事。史生二十人。田令。在外諸司職分田。太宰帥十町。大貳六町。少貳四町。大監。少監。大判事。二町。大工。少判事。大貳。防人。正。主神。博士。一町。六段。少典。陰陽師。少工。竿師。主船。主厨。防人。祐。一町。四段。諸令。史。一町。史。六段。軍防令。凡衛士。向京。防人。至津之間。皆令國司親自部領。云云。自津。祭日。專使部領。付太宰府。云云。凡太宰及國司。並給事力帥二十人。大貳十四人。少貳十人。大監。少監。大判事。六人。大工。少判事。大貳。防人。正。主神。博士。五人。少典。陰陽師。醫師。少工。竿師。主船。主厨。防人。祐。四人。諸令。史。生。二人。公式令。其太宰。向省。臺及管内。向太宰。並

為解以外皆為移云云。凡諸國給鈴者。

謂其尅數者。依式處分也。

太宰府二

十口。

謂管内諸國。亦同別皆給也。

云云。凡内外諸司。云云。太宰府三。關國及

内舍人。不武限。續紀一卷。文武天皇三年十二月甲申。令太

宰府修三野稻積二城。四年十月己未。以直大壹石上朝臣麻

呂為筑紫惣領。同書一卷。大寶二年三月甲午。信濃國獻梓

弓一十二張。以充太宰府。八月辛亥。以正三位石上朝臣麻

呂為太宰帥。十月丁酉。先是征薩。戶準人時。祈禱太宰所部神

九所。實賴神威。遂平荒賊。爰奉幣帛。以賽其禱焉。同書三卷。

大寶三年二月癸卯。太宰史生更加十員。八月甲子。太宰請有

勲位者。作番直軍團考漏之日。送於式部。一同散位。永預選叙。



許之十一月甲辰以大納言從三位大伴宿禰安麻呂為兼太  
宰帥從四位下石川朝臣官麻呂為大貳慶雲元年三月以信  
濃國獻弓一千四百張充太宰府十二月太宰府言去秋大風  
拔樹傷年穀二年四月辛未給太宰府飛馱鈴八口傳符十枚  
長門國鈴二口三年二月戊子以從五位阿倍朝臣首名為太  
宰少貳七月己巳太宰言所部九國三島亢旱大風拔樹損稼  
遣使巡省免被災尤甚者調役同書四卷和銅元年三月丙  
午從三位粟田朝臣真人為太宰帥從四位上巨勢朝臣多益  
首為大貳乙卯勅太宰府帥大貳并三闕及尾張守等始給漁  
仗其負帥八人大貳及尾張守四人同書五卷和銅三年正

月丙寅太宰府獻銅錢六月辛巳太宰大貳從四位上巨勢朝  
臣多益須卒同書六卷和銅七年三月甲辰金元靜等還蕃  
勅太宰府賜綿五千四五十斤船一艘五月壬寅從三位多治  
比真人池守為太宰帥八月己未太宰府官人家口皆免課役  
同書七卷靈龜二年五月辛卯太宰府言豐後伊豫二國  
從來買成不許往還但高下尊卑不須無別宜五位已上差使  
往還不在禁限又薩广大隅二國貢隼人人經八歲道路遙隔  
去來不便或父母老疾或妻子單貧請限六年相替並許之丙  
午勅太宰府百姓家有藏白鷄先加禁制無更使然若有白鷄  
搜求納於官司八月壬子太宰府言帥以下事力依和銅二年



六月十七日，符各給綿，自此以來，駟仕丁之，凡諸屬官並為辛  
苦，請停綿給，丁欲得存濟，許之。已下直復之似丙午，勅太宰府  
百姓家有截白錫，先加禁斷，然不遵奉，隱藏賣買，是以鑄錢惡  
黨多肆奸詐，連及之，徒陷罪不少，宜嚴加禁制，無更使然。若有  
白錫，搜求納於官司，癸卯，弓五千三百七十四張，充太宰府。養  
老元年二月辛巳，賜太宰帥從三位多治比真人池守綾一十  
疋，絹二十疋，絕三十疋，綿三百屯，布一百端，褒善政也。同書八  
卷。養老三年正月庚寅朔，以舶二艘，獨底船十艘，充太宰府。  
四年正月甲寅朔，太宰府獻九鳩，類聚國史百七十三卷。養  
老五年七月庚午，太宰府言管内諸國疫瘡，大殺百姓，悉卧。今

年之間，欲停貢調。九年四月癸亥，太宰管内諸國疫瘡，時殺百  
姓多死。續紀八卷。養老五年六月辛丑，從四位上石川朝臣  
石足為太宰大貳。十二月新羅貢調使大使一吉、食金弼等來  
朝，於筑紫綠。太上天皇登遐，從太宰放還。同書九卷。養老七  
年四月壬寅，太宰府言日向大隅薩廣三回，士卒征伐，車賊頻  
遭，軍役兼年，穀不登，交迫飢寒，謹案故事，兵役以後，時有飢疫，  
望降天恩，給復三年，許之。万葉集五卷。天平二年正月十三  
日，萃于帥老之宅，申宴會也。于時初春，令月氣淑，風和，梅披鏡  
前之粉，蘭薰珮後之香，加以曙嶺移雲，松掛蘿而傾蓋，夕岫結  
霧，鳥對穀而迷林，庭舞新蝶，空歸故雁，於是蓋天坐地，促膝飛



觴忘言一室之裏閑衿煙霞之外淡然自放快然自足若非輸

苑何以摠情請紀落梅之篇古今夫何異矣宜賦園梅聊成短

詠哥小畧了引出夫小貳栗田大夫筑前山上大夫豐後守大夫筑後守

葛井大夫笠沙弥主人大監大伴氏百代少監阿氏奧島少監

土氏百村大典史氏大原少典山氏若麻呂大判事丹氏麻呂

葉師張氏福子筑前介佐氏子首壹岐守板氏安麻呂神司荒

氏稻布大令史野氏宿奈麻呂少令史田氏肥人葉師高氏義

通陰陽師議氏法麻呂卒師志大道大隅目高氏老薩广目高

氏海人土師氏御通小野氏固堅筑前掾門氏石足小野氏淡

理同書四卷以葺天平二年夏六月帥大伴卿忽生瘡脚疾

苦枕席因此馳驛上奏云云續紀十一卷天平三年九月癸

酉正三位大納言藤原朝臣武智麻呂為兼太宰帥同書十二

卷又天平七年八月丙午太宰府言管内諸國疫瘡百姓悉卧

今年之間欲停貢調許之九年四月癸亥太宰管内諸國疫瘡

時行百姓多死六月甲寅太宰大貳從四位下小野朝臣老卒

八月丙午參議式部卿兼太宰帥正三位藤原朝臣宇合薨贈

左大臣不比等之弟三子也同書十三卷又天平十年六月辛

酉遣使太宰賜饗於新羅使金想純弟使即放還十二月丁卯

從四位下高橋朝臣安麻呂為太宰大貳從五位下藤原朝臣

廣繼為少貳同書十四卷又天平十四年正月辛亥廢太宰府

遣右中辨從四位下紀朝臣飯麻呂等四人以廢府物付筑前

國司此時鎮西府置給小事同書十六卷又天平十七年

六月辛卯復置太宰府以從四位下石川朝臣加美為大貳從



五位上多治比真人牛養外從五位下大伴宿祢三中並為少  
貳八月己巳給太宰府管内諸司印十二面十八年四月丙戌  
以左大臣從一位橘宿祢諸兄為兼太宰帥壬辰從五位下紀  
朝臣男楯為太宰少貳十月癸酉正五位下百濟王孝忠為太  
宰大貳同書十七卷。天平勝宝元年閏五月甲午朔從五位  
下小野朝臣田守為太宰少貳同書十八卷。天平勝宝二年  
十月丙辰朔詔授正五位上藤原朝臣乙麻呂從三位任太宰  
帥以八幡大神教也四年正月己卯朔太宰府獻白龜云云三  
月己巳太宰府奏新羅王子韓阿食金黍魚貢調使大使金暄  
及送王子使金弼言等七百余入乘船七艘來泊八月庚戌中

納言從三位紀朝臣麻呂為兼太宰帥十一月乙巳從五位下  
佐伯宿祢美濃麻呂為太宰少貳同書十九卷。天平勝宝五  
年九月乙丑從四位上石川朝臣年足授從三位為太宰帥從  
四位上紀朝臣飯麻呂為大貳六年正月癸丑太宰府奏入唐  
副使從四位上吉備朝臣真備船以去年十二月七日未著益  
久島自是之後自益久島道窄漂蕩著紀伊國牟漏埼二月丙  
戌勅太宰府去天平七年故大貳從四位上小野朝臣老遣高  
橋連牛養於南島樹牌而其牌經年今既朽損宜依旧修樹每  
牌頭著島名並泊船處有水處及去就國行程遙島名令漂著  
之船知所歸向癸丑太宰府言遣使尋訪入唐第一船其消息



云第一船奉船指奄美島去。未知著處。四月庚午。從四位上吉備朝臣真備為太宰大貳。從五位下小野朝臣田守為少貳。癸未。太宰府言。入唐第四船判官正六位上布勢朝臣人等來泊薩六國石籬浦。閏十月辛亥。令太宰府鎮奈管內諸國山岡崩壞之處。七年六月壬子。太宰府管內諸國國別貢兵衛一人。采女一人。同書二十卷。天平寶字元年七月壬申。勅曰。太宰府防人頃年差坂東諸國兵士。發遣由是路次之國。皆苦供給。防人產業亦難辨濟。自今已後。宜差西海道七國兵士。合一千人充防人。司依式鎮戍集府之日。便習五教。事具別式。戊午。勅曰。右大臣豐成者。事君不忠。為臣不義。云云。宜停右大臣任。左

降太宰。負外帥。二年五月丙戌。太宰府言。兼前公廨稻合一百萬束。然中間官人任意費。今但遺一十餘萬束。官人數多。所給甚少。離家既遠。生活尚難。於是以所遺公廨。悉合正稅。更割諸國正稅。國別遍置。不失其本。每年出奉。以所得利。依式班給。其諸國地子稻者。一依先符。任為公廨。以充府中雜事。六月甲辰。太宰陰陽師從六位下余益入云云。四人賜百濟朝臣姓。同書廿二卷。天平寶字三年三月庚寅。太宰府言。府官所見。方有不安者。四據警固式。於博多大津及壹岐對馬等要害之處。可置船一百艘以上。以備不虞。而今無船可用。交關機要。不安一也。太宰府者。三面帶海。諸蕃是待。而自罷東國防人。邊戍日以



荒散如不慮之表。万一有變，何以應卒？何以示威？不安二也。管內防人一停作城，勤赴武藝，習其戰陣，而大貳吉備朝臣真備論曰：且耕且戰，古人稱善。乞五十日教習，而十日役于築城，所請雖可行，府僚或不同，不安三也。天平四年八月二十二日，有勅，所有兵士全免調庸，其白丁者免調輸庸。當時民息兵強，可謂邊鎮。今管內百姓之絕者衆，不有優復，無以自贍，不安四也。勅船者宜給公糧，以雜徭造東國防人者，衆議不免，仍不依請。管內防人十日役者，依真備之議，優復者，政得其理，民自富強，宜勉所職，以副朝務。六月壬子，令太宰府造行軍以將伐新羅也。八月乙亥，遣大宰帥三品船親王於香椎廟，奏應伐新羅之

狀。九月丁卯，勅太宰府，頃年新羅歸化，舳艫不絕，規避賦役之苦，遠弃墳墓之鄉，言念其意，豈無顧戀？宜再三引問情，願還者給糧放却。丙子，太宰府言去八月廿九日，南風大吹，壞官舍及百姓廬舍。丙辰，徵高麗使於太宰。四年正月丙寅，從三位藤原朝臣真楯為太宰帥，同書廿三卷。天平宝字四年十一月丙申，遣授刀舍人春日部三閔中衛舍人土師宿祢開成等六人於太宰府，就大貳吉備朝臣真備，令習諸葛亮八陣、孫子九地及結營向背。五年八月甲子，迎藤原河清使高元度等至自唐國。初元度奉仕之日，取渤海道隨賀正使揚方慶等往於唐國，事畢欲歸，兵仗樣甲冑一具，代刀一口，槍一竿，矢二隻，分付元



度又有內使宣敕曰特進秘書監藤原河清今依使奏欲遣歸朝唯恐殘賊未平道路多難元度宜取南路先歸復命即令中謁謝時和押領元度等向蘓州與刺史李岍平章造舩一隻長八丈花差押水主官越州浦陽府折衝賞紫金魚袋沈惟岳等九人水越州浦陽府別將賜祿陸張什等三十人送元度等歸朝於太宰府安置同書廿四卷。天平宝字六年正月乙酉遣參議從四位上藤原惠美朝臣直先饗唐人沈惟岳於太宰府賜大使以下祿有差丁未造東海南海西海等道節度使料綿襖胄各二万二百五十具於太宰府其製一如唐國新樣仍象五行之色皆畫甲板之形碧地者以朱赤地者以黃黃地者以

朱白地者以黑黑地者以白每色四千五十具成一色之色四月辛未始置太宰督師五月丁酉太宰府言唐客副使紀喬容以下三十八人狀云大使沈惟岳贓汙已露不足率下副使紀喬容司兵曇子欽堪充押領伏無進上府官商量所定不可改張其還鄉之祿亦旧給十二月乙巳朔正四位上藤原惠美朝臣真先為太宰帥同書廿五卷。天平宝字八年七月甲寅新羅使大奈麻金才伯等九十一人到著太宰博多津遣右少辨從五位下紀朝臣牛養授刀大尉外從五位粟田朝臣道麻呂等問其由緒金才伯等言唐國勅使韓朝彩自勃海來云送日本國僧戒融令達本鄉已畢若平安歸鄉者當有報信而至今



日寂無來音宜差此使其消息欲奏天子仍賫執事牒參太宰府其朝彩者上道在於新羅西津本國謝恩使蘇州金谷為取太宰報牒寄附朝彩在京未祭問曰比來彼國投化百姓言本國祭兵警備是疑日本國之來問罪也其事虛實如何對曰唐國擾亂海賊寔繁是以徵祭甲兵防守緣邊乃是國家之設事既不虛及其歸日太宰府報牒新羅執事曰檢案內被乾政官符你得太宰府解你新羅國牒你依韓內常侍請欲知僧戒融達不府具狀申上者以去年十月從高麗國還歸聖朝府宜兼知八月壬戌正四位上藤原朝臣宿奈麻呂為太宰帥從五位下采女朝臣淨庭為少貳九月戊申以太宰負外帥正二位藤

原朝臣豐成復為右大臣十月丙寅藤原朝臣宿奈麻呂為大宰帥同書廿六卷。天平神護元年三月辛丑太宰大貳從四位下佐伯宿祢今毛人為築怡土城專知官少貳從五位下采女朝臣清庭為修理水城專知官八月壬午以正四位下石川朝臣豐成為太宰帥同書廿八卷。神護曇雲元年二月戊申從四位下藤原朝臣楓麻呂為太宰大貳同書廿九卷。神護景雲二年十一月癸未大納言落字衛門督正三位弓削御淨朝臣清人為兼太宰帥從四位上藤原朝臣田麻呂為大貳三年三月乙未始每年運太宰府綿疋万屯以輸京庫同書卅卷。神護景雲三年八月丙辰始置太宰府綾師九月甲辰太宰府



言此府人物殷繁天下之一都會也子弟之徒學者稍衆而府庫但蓄五經未有三史正本涉獵之人其道不廣伏乞列代諸史各給一本傳習管內以真學業詔賜史記漢書後漢書三國志晉書各一部十二月癸丑遣負外右中辨從四位下大伴宿祢伯麻呂撰津大進外從五位下津連真麻呂於太宰府問新羅使入朝之由寶龜元年正月甲申太宰管內大風壞官舍并百姓廬舍一千卅餘口賑給被損百姓三月丁卯問新羅使來由之日金初正等言在唐大使藤原河清學生朝衡等宿衛王子金隱居歸卿附書送於御親是以國王差初生等令送河清等書又因使次便貢土毛其義何安在對言便以附貢故不稱

調至是遣左大史外從五位下堅部使主人主宣告初生等曰前使負卷歸國之日所仰之政曾無申報今亦徒持私事參來所以此度不預賓禮自今已後宜如前仰令可申事人入朝待之如常宜以此狀告汝國王知但進唐國消息并在唐我使藤原朝臣河清等書嘉其勤勞仰太宰府安置饗賜宜知之賜國王祿絕廿五疋絲一百絢綿二百五十疋大使金初正已下各有差六月丁未正五位下小野朝臣小贄為太宰少貳八月辛亥參議從三位兵部卿兼造法華寺長官藤原朝臣宿奈麻呂為太宰帥九月乙亥從三位石上朝臣宅嗣為太宰帥同書卅一卷寶龜元年三月戊午朔太宰府獻白雉五月己亥從三



位藤原朝臣藏下麻呂為太宰帥。二年十二月己未。罷筑前國  
官負隸。太宰府。甲戌。太宰府言。日向大隅薩摩及壹岐多概等  
博士醫師一仕之後。終身不替。所以後生之學業術不進。乞同  
朝法。八年。迂替以示于祿。永勸後學。許之。同書卅二卷。寶龜  
三年十月丁巳。太宰府言。上。去年五月廿三日。豐後國速見郡  
畝見鄉。山崩填澗。水為不流。積十餘日。忽決漂沒。百姓卅七人。  
被埋家卅三區。詔免其調庸。加之賑給。十二月己未。太宰府言。  
壹岐島掾從六位上上村主墨繩等。送年糧於對馬島。俄遭逆  
風。舩破人沒。所藏之隨復漂失。謹檢天平寶字四年格。漂失之  
物。以部領使公辭填備。而墨繩等。歎云。漕送期不違常例。但風

波之災。非力能制。舩破人沒。足為明證。府量所申。實難默止。望  
請自今以後。評虛實。徵免許之。同書卅三卷。寶龜五年三月  
癸卯。新羅國使礼府卿沙喰金三玄。已下二百三十五人。到泊  
太宰府。云。四月壬辰。從三位藤原朝臣藏下麻呂。為太宰帥。  
九月己亥。從五位上石川朝臣真永。為太宰少貳。六年七月壬  
辰。參議太宰帥從三位勳二等藤原朝臣藏下麻呂。薨。云。壬  
寅。以從四位下石川朝臣名足。為太宰大貳。從五位下多治比  
真人豐濱。為少貳。寶龜六年十一月丁酉。大宰府言。日向薩  
廣兩國風雨。桑麻損盡。詔不問寺神之戶。並免今年調庸。同書卅  
四卷。寶龜七年九月丁卯。陸奧國俘囚三百九十五人。分配



太宰管内諸國十一月癸未出羽國俘囚三百五十八人配太  
宰管内及讚岐國云云八年正月戊寅從五位下藤原朝臣仲  
繼為太宰少貳十月辛卯大納言近衛大將落字方二位藤原朝臣  
魚名為兼太宰帥從四位上石上朝臣息嗣為大貳從五位下  
笠朝臣名麻呂為少貳同書世五卷二室龜九年十月癸丑勅  
太宰府唐客高鶴林等五人與新羅貢朝使共令入京十一月  
己巳遣勅旨少輔正五位下內藏忌寸全成於太宰府同新羅  
國使薩食金蘭孫入朝之由同書世六卷二室龜十一年七月  
戊子勅曰筑紫太宰僻居西海諸藩朝貢舟楫相望由是簡練  
士馬精銳甲兵以示威武以備非常八月庚申太政官奏曰筑

紫太宰遠居辺要當警不虞兼待蕃客已所執掌殊諸道而官  
人相替以四年送故迎新相望道路府國困弊職此之由加以  
所給厨物其數過多每守旧例充給或闕蕃客之儲於事商量又九二  
甚不穩便臣等望請且停交替料兼官人歷任增為五年然則  
百姓息肩庖厨無之伏聽天裁奏可之四月乙巳從三位藤原  
朝臣濱成為太宰帥六月癸卯降太宰帥從三位藤原朝臣濱  
成為負外帥備仗之負限以三人仍勅大貳正四位上佐伯宿  
祢今毛人等曰三考黜陟前王通典懲惡勸善往聖嘉訓帥參  
議從三位兼侍從藤原朝臣所歷之職善政無聞今受委方收  
寄在宣風若不徵書但公辭者賜帥三分之一府中雜務一事



已上今毛人等行之。甲寅以正二位藤原朝臣魚名為左大臣。魚太宰帥。同書世七卷。延曆元年六月乙丑。左大臣正二位。兼太宰帥藤原朝臣魚名坐事免大臣。辛未。從四位下石上朝臣家成為太宰大貳。己卯。太宰帥藤原朝臣魚名到。撰津國病。瘵不堪。進途勅。宣待病愈。然後發遣。庚子。太宰帥正二位藤原朝臣魚名薨。同書世八卷。延曆三年七月壬午。從五位上藤原朝臣管繼為太宰少貳。同書世九卷。延曆五年四月庚午。參議正三位佐伯宿禰今毛人為太宰帥。七年七月己酉。太宰府言。去三月四日戌時。當大隅國。贈於郡曾乃峰上。火熒大熾。響如雷動。及亥時。火光稍止。唯見黑烟。然後雨。沙峯下五六里。

沙石委積。可二尺。其色黑焉。同書四十卷。延曆八年三月戊午。從五位上藤原朝臣園人為太宰少貳。九年二月乙酉。太宰府外帥從三位藤原朝臣濱成薨。四月辛丑。仰太宰府令造鐵冑二千九百餘枚。八月乙未朔。太宰府言。所部飢民八万八千餘人。請加賑恤。許之。十年五月辛未。太宰府言。豐後日向大隅等國飢。七月丁亥。從五位下藤原朝臣真鷲為太宰少貳。後紀十四卷。大同元年五月己亥。公卿奏言。量事制宜。聖皇茂典。隨時分職。哲后良規。頃年令太宰府。帶筑前國。兼廢品官。庶存簡要。而今管攝多事。充用少人。伏望增置官員。得消繫剝者。勅增加。大少監。大少典。各一員。同書十七卷。大同三年十一月



甲辰從五位上多治比真人今麻呂為太宰少貳類聚國史八十四卷。大同四年六月丙申。勅云云。太宰帥公麻呂二万束給。因備前備中讚岐伊豫等五國省遠運費。但非帶觀祭使。一依前例。若大貳缺。問其料者。准帥闕時。充用蕃密料。弘治二年二月庚辰。太宰府官并所管國司聽公麻呂四分之一。漕于京。遙授之官。半分焉。續後紀二卷。天長十年十月戊申。緣景雲之年。八幡大菩薩所告。至天長年中。仰太宰府写得一切經。至是安置彌勒寺。十二月辛卯。太宰府言。陰陽帥土師雄成言。幸沐天恩。已霑厚祿。但有宿心。猶未得果。解所帶職。出俗皈真。勅許之。同書三卷。養和元年正月丁卯。先是太宰府言上。慶雲見

於筑前國。至是太政官云云。等上表言云云。伏見太宰大貳從四位下藤原朝臣廣敏等奏。你慶雲見於筑前國那珂郡云云。二月丁卯。勅。在太宰府唐人張繼明。便令肥後守從五位下粟田朝臣飽田麻呂相率入京。五月癸亥。太宰府司公麻呂來班。給六國。至天長八年。依民部省所請。停給六國。混給肥後國。至是。勅曰。如聞轉送之勞。民受其費。混給一國事。幸穩便宜。復旧給之。同書四卷。養和二年正月丁巳。三品秀良親王為太宰帥。彈正尹如故。同書五卷。養和三年七月辛巳。太宰府馳。馭言。今月二日遣唐使。四舶共進。祭畢。此日太宰府馳。馭奏遣唐第一第四兩船。漂湯却廻之狀。兩船密封。奏聞共到來。甲申云



云又勅符云云使等不利西飄漂迴嘗艱宜安置府館迄于更  
罷依旧供億八月戊戌朔太宰府馳馭奏遣唐使第三船水手  
等十三人駕編板漂著之状云云壬戌太宰府馳馭奏遣新羅  
使進罷并遣唐第三船漂著對馬島上縣郡南浦船上唯有三  
人之状云云十月戊午遣新羅使紀三津還到太宰府同書六  
卷。美和四年二月甲辰以遣唐大使參議正四位下藤原朝  
臣常嗣為太宰權帥三月壬午遣唐大使藤原朝臣常嗣出自  
鴻臚奏向太宰府丁亥遣唐使小野朝臣篁奏自鴻臚向太宰  
府五月庚寅太宰大貳從四位下藤原朝臣廣敏卒七月癸未  
太宰府馳傳言遣唐三船共指松浦郡旻樂崎發行第一第

四船遇逆風流著壹岐島第二船左右便漂著值賀島同書七  
卷。美和五年三月甲申勅曰遣唐使頻年却迴未遂過海夫  
冥靈之道至信乃應神明之德修善必祐宜命太宰府監已上  
每國一人率國司講師不論當國他國擇年廿五以上精進持  
經心行無變者度之九人云云於國分寺及神宮寺安置供養  
使等往還之間專心行道令得穩平四月辛丑太宰管内諸國  
飢六月丁未太宰府言吏公辭雖有未納猶以正稅全給之彼  
代令國司徵填若當國正稅數少者管内通行許之九月己巳  
定太宰管内地子交易法綿一屯直八束十月甲寅太政官處  
分太宰例進綿細一百端令定紺細十端黑緋細四十端緋細



五十端、畫革五十枚、今定白革三十枚、畫革七枚、同書八卷、  
美和六年七月丙申、令太宰府造新羅船、以能堪風波也、己巳、  
勅太宰大貳從四位上南淵朝臣永河等、得今月十四日飛馱、  
所奏遣唐錄事大神宗雄送太宰府牒狀、知大唐三、船嫌本  
船之不完、倩駕楚州新羅船九隻、傍新羅南以歸朝、其第六船、  
宗雄所駕是也、餘八個船、或隱或見、前後相失、未有到著艱虞  
之憂、不可不備、宜每方面戍防、人不絕、炬火羸貯糧水、令後著  
船共得安穩、其宗雄等安置客館、得待後船、癸酉、太宰府飛馱、  
上、奏入唐大使藤原朝臣常嗣等歸著之由、兼使等奏狀、甲戌、  
勅參議太宰權帥正四位下兼左大辨藤原朝臣常嗣、大貳從

四位上南淵朝臣永河等、得今月十九日奏狀、知遣唐大使藤  
原常嗣朝臣等率七隻船、廻著肥前國松浦郡生屬島、与先到  
錄事大神宗雄船、總共是八艘、宜依例勞來、式寬旅思、但自陸入  
京、莫須省約云云、同九卷、美和七年三月己卯、勅遣唐三箇船、  
去年夏六月癸亥、今諸船廻來、稍經年月、同候之事、恐有懈怠、宜  
太宰府及綠海諸國、為未廻來第一船、依例舉火候之、四月癸  
丑、太宰府上奏、遣唐知乘船事管原梶成等所駕第二船、廻著  
於大隅國、四月四月之云事、再出、七八印本、  
同、字落、多、な、也、や、庚申、勅符  
太宰大貳從四位上南淵朝臣永河、少貳從五位上文屋朝臣真屋  
等、得今月八日飛馱、奏狀、知遣唐知乘船事管原梶成等分駕



一雙小船廻著大隅國海畔。梶成等漂入異域。万死更生。久言若節誠可矜恤。迄于入都。依旧勞未量。賜布帛以資衣裳。准判官良峰長松所駕之船。全否未期。鬱陶于懷。宜逾戒。辺面無絶候伺。若有來著。令得來著。六月壬戌。太宰府馳馭奏遣唐弟二。船准判官從六位下良岑朝臣長松等廻著大隅國。八月壬辰。廢太宰府。大主城一負。更置主厨主船。二負。癸巳。太宰府言。在肥後國阿蘇郡健磐龍命神。其池洪水大旱未嘗增減。而涸端世文。同書十卷。下。兼和八年三月己亥。詔曰。云云。太宰府言。肥後國阿蘇郡神。其池洪水盈科。歷水旱。以自若。自今無故涸減。世文。辭思其咎。朕甚懼焉。云云。太宰府者。匪亶古來鎮辺之區。

兼復當時恠見之地也。最須先慎。以備不虞。布告遐迹。俾知朕意。八月丙辰。以太宰府曹百四口。宛對馬島。兼充防人。戊午。勅曰。聞下太宰府馭傳官符。并彼府言上。解文路次。諸國長門。關司等。每各閱見。縱國裏機急。境外消息。不可必令万民咸知。而解文委曲。未來京華。下符辭狀。無違宰府。載記之旨。誼諱民間。途說之輩。滿溢内外。寔是專輒。閱見所致之漸也。宜告山陽道。諸國司。更莫令然。亦四畿六道之内。指一國所下之符。同無令聞。同書十一卷。下。兼和九年正月乙巳。新羅人李少負等。其人到著筑紫。大津。太宰府遣使問來由。云云。同書十二卷。下。兼和九年八月丙子。太宰大貳從四位上藤原朝臣衛上。奏四條。



起請一曰新羅朝貢其來尚矣而起自聖武皇帝之代迄于聖朝不用旧例常懷奸心苞掠不貢寄事商賈窺國消息方今民窮食乏若有不虞何用防之望請新羅國人一切禁斷不入境內報曰德沃洎遠外蕃歸化專禁入境事似不仁宜比于流來宛糧放還商賈之輩飛帆來者所賣之物任聽民間令得迴易了速放却二曰交替務了未得解由五位之使寄事格旨留住管內常好農商侵漁百姓巧為奸利之謀未覩填納之物望請交替了吏早從入京報曰依請許之但勅修不真解由之由欠貢官物灼然令填見贓在身奪令填價其所填之物具錄言上三曰府多官舍被損不少例用浪人常勤修理而比年多依官

符被宛他用望請一切不寄他所將役府國修理依請許之四曰辺要之地為有警虞延曆年中特立制文不許開田而比年頗有墾闢之事望請依延曆三年四月廿六日符一從停止許之庚寅太宰府言豐後國言前介正六位上中井王私宅在日向郡及私營在諸郡任意打損郡司百姓因茲吏民騷動未遑安心云云太政官處分罪會去七月十七日恩赦宜身還本鄉同書十三卷二美和十年八月戊寅太宰府言對馬島上縣郡竹敷埸防人等申云從去正月中旬迄于今月六日當新羅國遙有鼓聲傾耳聽之每日三響常候已時其聲震動加以至于黄昏火更見矣勅曰夫不忘亡亂古人明戒將驕卒惰兵機所



急。縱雖无妄，故不可不慎。太宰府言對馬島司言去延曆年中，以東國人配防人，後又筑紫人配防人，而並停廢也。當百姓去弘仁年中，疫癘多死，急有寇賊，何堪防禦。望請准旧例，以筑紫人為防人者聽之。同書十五卷。養和十二年六月癸午，太宰府言：檢案內去弘仁六年七月廿五日格云：博士醫師教授之勞，良有殊別。近代成選，並以六考為期。今前壹岐島醫師外大初位下巖野勝真吉辭狀云：謹案格式內番上者以六考為選限，外番上者以八考為選限。真吉在任之日，全得六考。至于叙位，被賜階准據格式，恐有訛舛者。府加覆審，非唯真吉，以往之人亦尚然也。望請真吉位記換賜內位。自今以後，大隅薩戶日

向壹岐對馬等國島博士醫師，同准此例者聽之。七月丙寅，太宰府言：謹案去神龜五年八月九日格云：博士者惣三四國一人，醫師每國一人。又寶龜十年六月七日格云：去閏五月廿七日奏，你博士醫師兼國者，學生勞於齋糧，病人困於救療。望請每國各一人，並以六考遷替立為恒式。畫聞已訖者，夫醫師無國之任者，為有救療之急也。今筑後肥前豐前豐後等五箇國去府之程，二日以上七日以下，雲山重疊，途踏艱涉，吏民之中，有頓病者，遙著府下，營受醫藥，命在呼吸，且不及夕，往還之間，既致大殃，是則無醫師之所致也。望請國別減史生一人，置醫師一人，加以元來此府有得業生四人，准大隅薩戶日向壹岐



對馬、國島之例。監試得業及弟之輩，以將宛補一切，不任他人。然則卷無短折之愁。國有戶口之益者，勅宜停減史生，以典藥、學生及弟者補之。十二月戊寅，太宰府馳馭言新羅人賈康州、牒二通押領本國漂蕩人五十餘人來著。同書十六卷，嘉和十三年八月辛巳，散位正三位藤原朝臣吉野薨，參議從三位勳二等太宰帥藏下麻呂之孫云云。嘉和九年七月緣坐伴健岑車左，貶太宰，負外帥十二年，遷配山城國云云。同書十八卷，嘉和十五年六月己巳云云。等上表言云云。伏見太宰大貳從四位上紀朝臣長江等奏，你所管豐後國大分郡摠少領膳伴公家吉於同郡寒川石上獲白龜一枚云云。八月壬辰，太宰少典從八位上筑紫公文公負直兄云云等賜姓忠世，宿祢貫附左京六條三坊。同十九卷，嘉

祥二年十二月壬辰，太宰府馳馭奏上豐後權守從五位下登美真人直名謀及之狀。文德實錄一卷。嘉祥三年四月己酉，太宰帥三品葛井親王薨。親王桓武天皇第十二子也。云云。嘉祥三年為太宰帥。薨時五十一。同書五卷。仁壽三年正月丁未，滋野朝臣善蔭為太宰少貳。四月壬寅，亦詔太宰府於觀音彌勒兩寺並四王院香椎廟管内，國分寺讀大般若經。六月癸亥，一品太宰帥葛原親王薨。親王者桓武天皇第二子。嵯峨天皇之兄也。九月辛丑，詔太宰府出穀三萬八千七百餘石。賑給管内患飽瘡者。同書六卷。齊衡元年正月丁亥，太宰府貢腹赤魚。兼前元日貢之延至今日。綴之。同書七卷。齊衡二年正



月丙申。從四位下正躬王為太宰大貳。四月丙午。太宰府馳馭  
言。日向守從五位下嗣岑王。發兵將殺推討使正五位下田口  
朝臣房富。有司奏。讞詔免官爵。癸丑。太宰大貳正躬王將赴任。  
詣闕拜辭。殊賜恩餞。絲竹間奏。七月丙寅。太宰府傳進入唐留  
學僧。回載上表。三代實錄二卷。貞觀元年正月朔。太宰府腹  
赤魚等付內侍奏。四月廿三日。安倍朝臣安仁薨云云。參議太  
宰大貳寬麻呂之子也。同書四卷。貞觀二年正月十六日。參  
議從四位上守大藏卿兼行因幡守清原真人岑成為太宰大  
貳。散位從五位下藤原朝臣真數為少貳。云云。從五位上行太  
宰少貳小野朝臣貞樹為肥後守。十一月廿七日。大藏少輔從

五位下藤原朝臣貞庭為太宰少貳。同書五卷。貞觀三年正  
月廿九日。參議從四位上太宰大貳清原真人岑成卒云云。至  
于為大貳。西府倉屋破壞。特甚。有意修造。不遑寧居。伐神社之  
木。充結構之用。或諫云。此神見林有靈。崇咎所致。不利於人。岑  
成拒而不肯。強令伐取。因此受病。不幾而卒。同書六卷。貞觀  
四年七月廿三日。大唐商人李延孝壽四十三人來勅。太宰府  
安置供給。同書七卷。貞觀五年二月七日。二品行式部卿兼  
上總大守仲舒親王為太宰帥。權少貳從五位下在原朝臣安  
貞。從五位下守右少弁藤原朝臣元利。万侶等。並為少貳。太宰  
少貳從五位下藤原朝臣真庭為筑前守。十六日。民部少輔從



五位下藤原朝臣有蔭為太宰少貳。三月廿日太宰少貳從五位下藤原朝臣有蔭為近江守。同書八卷。貞觀六年八月十六日太宰少貳從五位下行藤原朝臣有年為介。近江介勘解由次官從五位下安部朝臣清行為太宰少貳。同書九卷。貞觀六年八月九日太宰大典從六位上春江宿祢敏雄蔭子正六位上春江宿祢常嗣等改本居貫左京職。十日右京絕貫百姓大中臣朝臣豐御氣自言云云。祖父男成流寓太宰府父麻呂相隨男成生長彼土。歷數十年貫屬既絕請復本屬。河內國丹比郡太宰大典正六位上安原宿祢臣雄云云等改本居隸右京職。十二月廿六日太宰府言肥後國阿蘇郡正二位勳五

等健磐龍命神靈池。去十月三日夜有聲震動池水沸騰空中東西洒落云云。同書十卷。貞觀七年二月二日朔右大臣藤原朝臣良相上表言云云太宰藤原朝臣冬緒聲名粗達焉識漸優吏幹之祿仍有可愛云云。同書十一卷。貞觀七年七月廿七日先是太宰府言大唐商人李延孝等六十三人駕舩一艘來著海岸。是日勅安置鴻臚館隨例供給。同書十二卷。貞觀八年二月十四日神祇官奏言肥後國阿蘇大神懷藏怒氣由是可尅疫疔擾隣境兵云云太宰府司於城山四王院轉讀金剛般若三千卷般若心經三萬卷以奉謝神心消伏兵疫。三月四日觀音寺事別引出四月十七日下太宰府曰迺者京師



頻視恠異陰陽察言隣國兵可來窺安不忘危宜勤警固五月  
廿一日唐人任中元非有過所輒入京城令加謹結還太宰府  
重下長門太宰府嚴閉門之禁焉同書十三卷。貞觀八年七  
月十五日太宰府馳馱奏言肥前國基肄郡人川辺豐稻同郡  
擬大領山春永語豐稻云新羅人珍賔長共渡入新羅國教造  
兵弩器械之術還來將擊取對馬島藤津郡大領葛津貞津高  
來郡擬大領大刀主彼杵郡永岡藤津等是同謀者也仍副射  
手四十五人名簿進之十月三日先是九月一日大唐商人張  
言等四十一人駕船一艘來著太宰府是日勅太宰府安置鴻  
臚館隨例供給同書十四卷。貞觀九年二月廿三日太宰府

言從五位上火男神從五位火賣神二社在豐後國速見郡鶴  
見山嶺云云太正月廿日地震動其声如雷俄而見如硫黃遍  
滿國內磐石飛亂上下無數云云四月十一日從四位茂世王  
為太宰大貳茂世去正月任太宰大貳丁父憂去職今詔起之  
八月六日太宰府言肥後國何籬郡正二位勳五等健磐龍神  
正四位下比賣神所居山嶺去五月十一日夜奇光照耀十二  
日朝震動乃崩廣五十餘丈長二百五十餘丈同書十五卷。  
貞觀十年二月十七日從五位下安倍朝臣清行為太宰少貳  
清行貞觀六年正月任太宰少貳丁母憂去職今以本官起之  
十一月二十八日太宰府獻白鹿放神泉苑同書十六卷。貞



觀十一年七月二日。是日譴責大宰府司曰。諸國貢調使史。領將一時共祭。不可先後零置。雖其群類。而令豐前一國獨先進。祭亦弱。奸人乘飢虎口。遂使新冠盜乘隙致侵掠。非唯已失官物。魚又損辱國威。求之往古。未有前聞。貽於後來。當無面目。雖云使人之可責。抑又府官之有怠。又或人言盜賊逃去之日。海邊百姓五六人。冒死追戰射場。二人事若有實。寧非忠敬。而府司不申。何近掩善。又所禁之人。雖有嫌疑。緣是異邦。最思仁恕。宜停拷法。深加廉問。是從放却。十二月五日。先是太宰府言上。往者新羅海賊侵掠之日。差使統領選等。擬令追討。人皆懦弱。憚不肯行。於是調祭俘囚。御以膽畧。特張意氣。一念當于今大。

鳥示其恠異。龜莖告以兵寇。鴻臚館并津厨等。雖居別處。无備禦侮。若有非常。難以應猝。分居諸國。常事遊獵。徒免課役。多費官糧。請配置處分。以備不虞。分為二番。別當百人。每月相替。交相馳役。其糧料者。諸國所奉。浮料利稻之內。每國令運輸。以給其用。至是勅曰。夷倭之性。本異平民。制御之方。何用恒若。忽雖旧居新移。他土衣食。无續心事。及常則野心易驚。遂致精妄。宜簡監典。有謀畧者。令其勾當。并統領選士幹事者。以為其長。勉加綏誘。能練武衛。設有諸國糧運。闕如。即須府司迴撥支濟。又以百人為一番。居業難給。轉餉多煩。宜五十人為一番。八日以右大弁從四位兼行勅解由長官美濃權守藤原朝臣冬雄拜。



參議為太宰大貳從四位上行太宰大貳茂世王為宮内卿十  
三日以從五位上守右近衛少將兼行阿波介坂上大宿祢瀧  
守為太宰少貳阿波介如故廿八日遣從五位上守右近衛少  
將兼行太宰權少貳坂上大宿祢瀧守於太宰府鎮護警固勅  
曰鎮西者是朕之外朝也千里分符一方寄重况復隣國接壤  
非常叵期今聞大鳥示恠龜筮告寇機急之備豈令暫輟哉宜  
令瀧守<sub>下</sub>當警固之事是日瀧守奏言所以置選士設甲冑本  
為備警<sub>下</sub>忽護不虞也謹檢博多是隣國輻輳之津警固武衛之  
要而墉与鴻臚相去二馭若兵出不意倉卒難備請移置統鎮  
一人選士四十人甲冑四十具於鴻臚又謹檢前選士百人

每月番令以尋常之負備不意之禦恐機急之事實難支濟請  
例番之外更加他番統領二人選士百人詔並從之同書十七  
卷<sub>二</sub>貞觀十二年正月十五日勅太宰府<sub>下</sub>置甲冑百十具於  
鴻臚二月七日詔授三品行中務卿兼太宰帥諱<sub>光孝</sub>親王<sub>二</sub>  
品云云<sub>十二日對馬島下縣郡乙原麻呂事對馬志又太宰</sub>  
廿日勅太宰府令新羅人潤清宣堅等三十人及元來居止管  
内之葦水陸西道給食馬入京先是彼府言新羅山賊掠奪貢  
綿<sub>掠奪貢綿とリハ事ハ十五日の</sub>以潤清等處之嫌禁疑其  
身奏之太政官處分殊加仁恩給粮放還潤清等不得順風无  
由<sub>販</sub>其國對馬島司進新羅消息日記并彼國彼國流來七



人府須依例給糧放却云云。  
此府つ、き、と、安、一、く、太、宰、府、對、馬、島、志、等、引、五。



太宰管内志 筑前之廿五









